

ea, quæ apertè & *περὶ αἰσθητικῶν* diuerſas nomine & re particulas includunt: vt ſunt, facies, manus, pes, lignum, cortex, frondes, radix: Galenus etiam venas & arterias refert, cum fibris intextæ, membranis inueſtiantur: quas tamen, vt & Aristoteles, ſenſus fallacem perſuaſionem ſecutus, alibi inter ſimilaria annumerârat. Quod ſi ergo ſimilaria putanda ſunt ea, quæ iam diximus, quid de ſimplicium medicamentorum, atque ad eò de metallorũ naturâ cõpoſita gloriabimur amplius? Ea enim non minus ſimplicia ſunt, quã quæ Galen⁹ enumerat. Ab Aristotele certè euidenter ad hũc numerum ſimplicium adſcribuntur. Heic ergo iam feruet, vel Galeni cõtradictio, vel maior quàm decebat Philoſophum, verborum abuſio. At facilè pateſcet rei veritas, & omnis ſpecies apparentis controuerſiæ delebitur, ſi varias partis ſignificationes, quæ heic vitio laborant, diſtinctè explicauerimus. Aliæ enim ſunt partes, quæ toti alicui cõpoſito potentia inhærēt, aliæ quæ actu. Ita in mixtis elementa quatuor potentia inſunt, & ab Aristotele Elementum

*De inæq. in temp. ca. 6.*

*2. de Elem.*

*1. & de morb. diff. 3*

*4. Met. 20.*

*Solutio.*

*Partes aliæ actu, aliæ potentia.*

*3. de cœ-*

*lo 3 r.*